



UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI

RAIFFEISEN BANKA
ž.r. 1610450036820073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR
Broj: 1406/08
Banja Luka, 30.03.2008.

S A O P Š T E N J E Z A J A V N O S T –
prvi komentar na saopštenje Ustavnog suda BiH

Sinoć su javni mediji u Bosni i Hercegovini objavili kratku vijest – saopštenje Ustavnog suda BiH povodom razmatranja zahtjeva za ocjenu ustavnosti pojedinih odredbi Zakona o izmirenju obaveza po osnovu računa stare devizne štednje koje su podnijeli Ivo Miro Jović dok je bio na funkciji Predsjedavajućeg Predsjedništva BiH i Nikola Špirić dok je bio na funkciji Predsjedavajućeg Predstavničkog doma Parlamentarne skupštine BiH.

Konačan stav će moći dati tek kada naši advokati i pravni eksperti detaljno prouče pisani tekst odluke, u ovoj prilici, na osnovu kratkog saopštenja koje objašnjava da se odluka zasniva na nekakvim "izmjenjenim pravnim okolnostima u odnosu na pravnu situaciju u trenutku podnošenja zahtjeva" i "da nije svrsishodno voditi dalji postupak s obzirom da je proces verifikacije stare devizne štednje okončan" nameće se samo jedan zaključak da se Ustavni sud Bosne i Hercegovine predstavio u pravom svjetlu sprdajući se sa ljudskim pravima i pravdom pokazao kako je i sam apsolutnja sprdnja od institucije. Da nije žalosno bilo bi smiješno do suza, smješnije nego bilo koji vicevi o kadijama koje smo slušali od naših predaka i koji se prenose sa koljena na koljeno kao dio narodnog stvaralaštva.

Da je on ustavni sud kakve nama neprijateljske zemlje bilo bi to uživancija, ali na žalost to je sud zemlje u kojoj živimo i to zemlje koja ima ambicije i pokušava da napravi odlučujuće korake ka integrisanju u Evropsku uniju. Žalosno je da je sud postao dnevno politički organ umjesto da bude vrhovna pravna instanica.

Kapa nebeska je velika i pod nju stanu raznorazna čuda, a bogami i gluposti. Međutim, samo su u jednoj suverenoj zemlji pod tom kapom nebeskom ima čudo u vidu trojice stranaca sudija ustavnog suda i samo

se u jednoj zemlji pod golemom kapom nebeskom sa pozicije potpredsjednika političke partije može doći na poziciju sudije ustavnog suda. Ta zemlja je Bosna i Hercegovina i to je ustavni sud koji je izdao saopštenje o kojem dajemo ovaj komentar. Tako smo u ovoj zemlji nesretnih građana sa sretnim političkim partijama, jer su im potpredsjednici sudije ustavnog suda i sretnim sudijama koje imaju mogućnost metamorfoza – po principu salto mortale iz političkih elita u nepristrasne i nedodirljive sudije, na najboljem putu da postepeno ostajemo, najprije bez pravde i institucija, a onda i bez takve neobične, rijetko viđene države. Naše sretne sudije i strane i domaće mogu slobodno na berzu i da od svojih dobrih plata odvoje koju crkavicu i kupe obveznice stare devizne štednje, jer će im nakon ove odluke vrijednost garantovano pasti, a posebno dobar posao mogu napraviti i profit ostvariti, ako znaju kolika će biti devalvacija.

Ispada iz šturog saopštenja da je osnovni razlog što Ustavni sud nije donio drugačiju odluku protok vremena. Iz činjenice da su zahtjevi za ocjenu ustavnosti podnešeni dok je Ivo Miro Jović bio član Predsjedništva BiH, a Nikola Špirić poslanik, Predsjedavajući u Predstavničkom domu PS BiH se da zaključiti da su zahtjevi pooodavno podnešeni. Sećate li se kada je to bilo. Podnešeni su prije dvije godine.

Šta je to čekao Ustavni sud BiH?

Ko je kriv za protok vremena i sporo rješavanje?

Je li za to krivo Kolo Srpskih sestara, Auto moto društvo ili poštene sudije Ustavnog suda BiH?

U avgustu prošle godine je okončana procedura izjašnjavanja Parlamentarne skupštine BiH po zahtjevima za ocjenu ustavnosti. Tada je ovo Udruženje ukazalo na nedopustivu sporost i tražilo da bude pozivano kao učesnik u postupku. Kasnije smo još nekoliko puta ponavljali kako je neophodno konačno riješiti ovo pitanje.

Prije ne više od pet dana Zamjenik ministra finansija i trezora bih je javno pozivao vlasnike stare devizne štednje da u roku od još dva mjeseca verifikuju svoju štednju, a juče Ustavni sud kaže da je process verifikacije okončan. Da su bilo koga pitali, i konsultovali lako bi saznali da je verifikovano manje od 3 % ukupne stare devizne štednje.

Sudije ustavnog suda su zavukle glavu u pijesak u pokušaju da spašavaju aktuelnu vlast i da, se svojstveno ovoj zemlji nastave igre "ludih i zbunjenih". Nisu vidjeli ni vlastitu Odluku U 14/05 niti su cijenili presude Evropskog suda za ljudska prava u Strazburu po pojedinačnim apelacijama starih deviznih štediša iz Bosne i Hercegovine.

Pravda i poštenje, zaštita ljudskih prava je spas i garancija i za građane i za državu, a pravde ima. Mogli smo je, da smo sretna država, imati ovde kod kuće, ali kod nas su samo sretni sudije pa moramo po pravdu ići u Strazbur.

Stara devizna štednja je imovina, a imovina je trajna kategorija i trajno se mora štiti, bez rokova. Poništenje verifikacije bi otvorilo dosta problema, ali za njih ne bi bio kriv Ustavni sud i podnosioci zahtjeva nego nesposobni i korumpirani koji su taj posao vodili, odnosno kreirali.

Za Upravni odbor
P R E D S J E D N I K
Svetozar Nišić